

DISPUTATIO INAUGURALIS MEDICA

De

AMPUTATIONE MEM-  
BRORUM SPHACELATORUM,  
EORUMq; SECURA MEDELA.

Quam

ANNUENTE DIVINI NUMINIS GRATIA.

IN ILLUSTRİ ACADEMIA FRIDERICIANA

RECTORE MAGNIFICENTISSIMO, SERENISSIMO  
PRINCIPE AC DOMINO,

DN. FRIDERICO WILHELMO,  
ELECTORATUS BRANDENB. HEREDE &c. &c. &c.

*Gratioso Facultatis Medicæ Consensu*

PRÆSİDE

PRO-RECTORE MAGNIFICO DESIGNATO

DN. FRIDERICO HOFFMANNŌ, D.  
MEDICINÆ ET PHILOSOPH. NATURAL. P. P.  
MEDICO ELECTORALI AULICO,

Patrono, Præceptore ac Promotore suo  
omni observantiæ cultu devenerando,

PRO GRADU DOCTORALI,  
*Immunitatibus atque Privilegiis More Ma-  
jorum ritè impetrandis,*

D. XXVI. Junii MDCXCVI. Horis Ante- & Pomeridianis  
IN AUDITORIO MAJORI

Publicæ eruditorum disquisitioni subjecit.

EBERHARDUS Barnstorff /

Rostochiens. Megapolitanus.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

1897

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.





DISPUTATIO MEDICA INAUGURALIS

De

AMPUTATIONE MEMBRORUM SPHACELATORUM EORUMq; SECURA MEDELA.

§. I.



**N**ullus affectus atrocior & crudelior quam Sphacelus est, ubi nobis viventibus integræ partes corporis immanes inter cruciatus & æstum igneum putrescunt & moriuntur: Neque is perfunctoriè saltim infestat aut ad salutem, ut alii morbi solent, terminatur: sed ubi semel nidum suum elegit, pertinacissimè inhæret & non tantum illam partem quam aggreditur mortificat; sed citato pede progreditur & sæpius totam microcosmi machinam destruit. In tanti affectus atrociâ quid medico agendum sit & quid officii ejus ratio poscat paulo penitius in præsentiarum expendere animus est. Quoniam autem pro diversitate individuorum & ingenii sui magis vel minus maligni ac concursus vehementiæque symptomatum gradus suos habet ac multum inter se distat & variat, hinc non eadem auxilia eandemque medendi rationem ac viam exigit; Sed nonnunquam inter initia statim per valentiora remedia pars ad cor-



ruptionem vergens custodiri & integra servari potest, nonnunquam autem, malo majores vires adepto, corrupta & mortua pars corporis a viva separari & extirpari debet. Placet itaque loco speciminis inauguralis de securis ac certis contra infensissimum hunc corporis nostri hostem in præsentī disputatione paulo fusius agere: Imprimis autem qua ratione & methodo partes jam totæ corruptæ & emortuæ amputandæ & separandæ sint circumspectius paulo decernere, annectendo simul indicationes utilissimas, caute-  
las & succinctam operationis ipsius methodum. Altissimum Numen gratia & auxilio suo assistat conatibus hisce!

## II.

Ut autem feliciter progrediamur in apte disponendis & decernendis remediis contra perniciosissimum hoc malum præsentissimis, e re fore duco in antecessum paucis delibare atque attingere, qua ratione gangræna a sphacelo differat & quibus signis uterque affectus multum inter se cognatus dignosci queat. Gangræna autem dicitur a *χρᾶνεν* quia maxime exedit & devorat instar Lupi vel Cancrī; Quare omnes Novi Testamenti interpretes gangrænam in *Epist. Pauli 2. ad Timoth. cap. 2. v. 17.* per cancrum verterunt. Est autem pessimus inflammationis comes & incipiens partis corruptio: Si autem jam eo procescit, ut pars corruptione extincta & emortua sit, sphacelus nuncupatur. Hinc benè gangrænas *Galen. L. 2. ad Glauconem* nominat eas, quæ ex magnitudine inflammationis fiunt mortificationes nondum tamen integræ factæ & confirmatæ sunt. Mali autem hujus tanta vis actyranis est, ut nisi celerrimè succurras, facile af-



affecteda pars mortis habitum repræsentet h. e. vitæ, sensus & motus extinctionem tetramque putredinem contrahat: Et partis affectæ mortificatio incipiens tantæ est ferocitatis, ut nisi, quis ruptâ omni morâ præsentissimas tulerit suppetias, laborans particula emortua vicinas sedes invadens ulterius serpat totaque membra enecet ipsumque hominem jugulet: Sphacelus vero dicitur a σφαξίν jugulando s. enecando, quoniam necrosin inducit partibus. Hæc autem gangrænam præsentem in inflammata parte prænunciant, si nimirum coloris floridum quod in inflammatione adfuit, extingvitur, deinde dolor & pulsus sive arteriarum motus ipsi ægro antea sensibilis, nondum finitâ adhuc morbosa dispositione, remittunt, & pars antea dura ac renitens mollis fit & livida sensu quodammodo destituta, & cutis a carne facile sejungitur, sique premitur digitis in profundum cedit nec postea revertitur, aut resilit. Sphacelus vero appellatur, ubi coloris flos perit, aut pars livet aut nigrescit & tumida mollis & prorsus cadaverosa apparet, nec calor nec pulsus nec dolor aut sensus ullus amplius adest, ut etiam citra doloris sensum altè scalpellus in partem adigi queat, pustulæ quoque & vesicæ copiosæ talismodi in partibus apparent; si aperiuntur laticem acrem fundunt, & nigredinem a corrosivo sale gangrænoso inustam subtus recondunt.

### III.

Occupat hic affectus frequentius partes sanguine copioso vel ejus vivido influxu destitutas, ut tendinosas nervosas & corporis extrema, quare frequentius videmus manuum & pedum digitos ipsumque scrotum hoc malo laborare: Porro adoritur corpora diuturno morbo vel senio emaciata & confecta; ubicunque enim vi-



resibi etiam tenuissimæ sanguinis & florum vitalium particulæ deficiunt, ubi autem harum defectus ibi circulatio humorum remissor & impeditior est, ubi hæc, ibi facilis ad putredinem dispositio præsto est. Deniq; hic affectus sæpius quoqueprehendit cachecticos, hydro-  
picos, paraliticos, scorbuticos & omnes qui impurum sanguinem & paucos spiritus in venis alunt. Ossibus hic morbus accedit, cum caro ipsis circumdata tetros gignit ichores sive depravatam saniem, quæ virulentiâ suâ ea induit ac foetidissimâ putrilagine consumit; sphacelus enim ossibus innascitur gangræna non.

#### IV.

Quod causas truculenti hujus mali concernit, breves erimus in illis allegandis aliud instituti ratione exigente, ere tamen erit non plane illas negligere, quo remedium ratio, illorumque modus agendi magis innotescat clariorque appareat. Compertum autem ex Physiologia mechanica est, sicuti totius corporis: sic etiam cujusvis partis animantis vitam & sanitatem versari in perenni ac jugi succorum & principaliter sanguinis circulari motione debita & æquali, tamdiu enim viva adhuc pars dicitur, quamdiu sanguinis circulatio per illam adhuc salva & libera est; Sic paralyticorum membra, utut sensu & motu animali privata sint, vivere tamen dicuntur quoniam adhuc vitalis purpura per illa ipsa fertur & per circulum revolvitur. Proinde uti mors totius, sic etiam certæ cujusdam partis mortificatio consistit in circulatione sanguinis cessante & penitus destructa: simulac enim humorum in circulum abiens motus in parte quadam corporis nostri perit, protinus elementa partes fluidas & solidas componentia a se invicem secedunt & vinculum ac unionem pristinam de-



deferunt, unde foetidissima putrilago emergit; quando enim internus sanguinis motus progressivus cessat statim externum aëris fluidum jus acquirit in partem hanc, motumque alienum introducit, qui, cum texturæ nativæ destructorius sit, corruptionem cadaverosam & putredinem accersit. Motus enim circularis est præcipuum naturæ instrumentum, quod non tantum in unionem vitali elementa sanguinis valde heterogenea servat: verum etiam tali ratione a putredine, quæ secessio partium a se invicem totum componentium est, egregie defendit & tuetur. In sphacelo itaque omnis motus & circulus sanguinis vitalis extinctus est & externo fluido jam obsecundare & in putrilaginem abire incipiunt partes solidæ. In gangræna vero, quæ ut, jam supra dictum, incipiens sphacelus est, motus ille vitalis penitus quidem non extinctus, tardus tamen impeditus & extinctioni proximus est.

#### V.

Ex hisce adductis jam facile constabit ratio, quare a frigore penetrantissimo, quale est in Sveciâ, Norwegiâ, Curlandiâ, Livonia &c. maxime si corpora impura & emaciata tangit, quare porro a ligaturis fortissimis partium luxatarum vel fracturarum, item ob graviores contusionem & ambustionem partis, frequentissime generentur gangrænisationes; simile quoque accidit a prohibita transpiratione, quando nimirum partibus valde inflammatis vel erisypelaceis, ubi jam tumori obstructi & compacti humores sunt, applicantur frigida aquea, oleosa, emplastra aliaque obstruentia & poros angustantia. Notabile est ex immisione manus ægri maligna febre laborantis in frigidam, sphacelum obortum fuisse, *de quo vid. Miscell. curios. Decur. II.*

*A. III.*



*A. III. p. 145.* Patebit jam porro ratio, quare illis personis, quæ impuros vappescentes & ad corruptionem five dissolutionem elementorum sanguinis destructoriæ vergentes humores possident, tam intrinsecè viscerum, quam externarum partium frequentes sphacelationes sint, uti id videmus in peste, ubi interiora ventriculi nigricantibus maculis & escharis conspiciuntur referta, Antrax & bubo glandulosarum partium quid aliud quam inflammatio fortissima cum sphacelo juncta est, a corrosivo virulento alcali inducta? Petechiæ nigræ mortis prodromi, quid aliud indicant quam leviolem & superficialium sphacelum? Quod de scorbuticorum maculis latioribus etiam valet; deinde solenne quoque est cachecticos & ipsos paralyticos facillime tentari diro nostro affectu: In illis infarctæ jam partes a crassis impuris humoribus sunt, in hisce tardissima sanguinis circulatio & pulsus arteriarum debilis propter elaterem spirituum animalium, qui tonum ac robur scenerant partibus, deficientem. Quapropter oportet ut praxin exercentes probe dignoscant & distinguant sphacelum qui ab intrinseca causa & sanguinis vitio dependet ab illo, qui foras & ab extrinseca causa saltem accedit. Et notabile est sæpius citra ullam causam extrinsecam & occasionalem sphacelum adori, uti videre licet in *Horstio. Lib. 9. observ. 22.* ubi quoque animadvertere est gangrænam in corpore cacochymico vi saltem purgantis fortioris introductam fuisse v. *ibid. observ. 25.* *Fernelius* de abditis rerum causis *L. 2 c. 15.* testatur se aliquando partem sphacelo affectam vidisse non solum sine causa externa sed & sine tumore aut rubore conspicuo, oborto primum dolore immanissimo, tandemque ægrum extinctum fuisse sine febre



febre & symptomatibus gravioribus. Gangræna itaque quæ ab extra provenit longè citius & felicius sanationem admittit, nec tam citato pede progreditur, dum sanguis & humores balsamo suo genuino, quod custos putredinis est, adhuc abundant; secus fit, si ab intrinseca causa malum dependet, ubi longe periculosior est status, nec tam brevi humorum vitium emendabile:

## VI.

Cum itaque noster affectus varias habeat causas & ratione vehementiæ suos gradus & quoad partes quas infestat magis vel minus periculosus fit, nec æqualiter semper totum membrum corrumpat & mortificet, sed sæpius saltem ejus partem & quandoque tantum superficialiter & nonnunquam satis profunde destruat; hinc remedia ad hoc malum expugnandum non ejusdem generis sunt, nec illorum applicatio & medendi methodus una eademque semper est. Prudentis itaque est pro conditione & statu morbi convenientia adhibere remedia: aliud enim auxilii genus exigit membrum totum emortuum & corruptum, & longe aliud, si saltem pars quædam vita exuta est, reliquâ vero integrâ. Illud tamen breviter summamque monemus, omne corruptum ac emortuum quod non amplius a naturæ regimine dependet, separandum ac disjungendum esse a reliquâ sanâ parte, sive provida natura, quæ etiam hîc sui custos, conservatrix & medicatrix est, sola instituat separationem illius, quod leviter saltem infestum est, sive ope & arte chirurgi graviter corruptum amoveatur. Notabile autem est, ipsam naturam non tantum carnem emortuam a sana providè separare (quod apparet si circulus ruber exquisiti sensus



inter sanam atque mortuam carnem & materia albicans puris spissioris instar sese ostendit ) verum etiam integra sæpius membra quod mirabile est a corpore se-  
jungere. Sic integrum brachium, ægro sanitati post-  
modum restituto, solius beneficio naturæ separatum  
legitur in *Tb. Barthol. Histor. anatom. 69. Cent. 1. & Cent. 5. Hist. 63. it. Cattier observ. 13.* Memorabile non mi-  
nus est, Consulem septuagenarium de quo mentionem  
facit *Nicol. Tulpius L. 4. observ. 51.* laborasse tibiâ adeo  
corrupta, ut a Medico ipsi consultum fuerit, quo cu-  
raret ferrula sibi eam præscindi, quibus monitis autem  
non paruit homo imperio assuetus, sed potius misere  
perire volebat: factum hinc est, ut tendinibus ac ner-  
vis ob diuinam moram ab acri pure erosis, totus pes  
vitiatus sedibus suis exciderit, ut adeo & ipsa natura  
satis clarè indicit remedium amputationis s. extirpatio-  
nis; sicuti autem hæc locum habet uti totum mem-  
brum corruptum ac infectum est, ita e contra ubi mem-  
brum saltem quoad partem laborat & necrosi tactum,  
alia sanandi via ineunda est, quæ maxime consistit in  
hoc, ut sanguinem benignum reddamus, obstructio-  
nes removeamus & laudabilis sanguinis influxum &  
refluxum partem corruptioni proximam promovea-  
mus. Hoc pacto quod sanum est defenditur, emor-  
tuum vero facile separatur & laudabile pus, quod opti-  
mum reconvalescentiæ signum præbet, movetur.

## VII.

Ut autem affectus & symptomatum ætiologia  
& modus agendi remediorum eo planius eniteat, bre-  
viter saltem totam rem perstringemus. Nimirum cer-  
tissima res est, partem facilius corrumpi, si sanguis ibi  
hæret eccentricus fixus & immobilis, hac enim mora  
æstum



æstum concipit vehementissimum pars laborans, dum globuli ætherei per obstructos ac infarctos membri poros celerrimè rotantur et reverberantur. Æstus hic, qui motus attritivus vehementissimus est, instar ignis nativum sanguinis elementorum contextum & crasin planè dissolvit & destruit, cutim a carne separat & fluoribus intensam acrimoniam ingenerat, unde in partibus gangrænosis non secus ac ab igne ambustis dolores, erosiones, pustulæ, vesicæ acerrimam lympham fundentes observantur. Sicuti enim igneæ æthereæ particulæ velocissimo suo motu & ipsas fluidas & solidas partes dilacerant ac destruunt: pari ratione id fit a motu ætheris vehementissimo in parte obstructâ suscitato. Ignem, dum crematione suâ contrahit, crispat partes, poros destruit, ut lucis radii in illis suffocentur, nigredinem partibus inducere, notum est: eodem modo id fit in nostro affectu, ubi corrosivum igneum illud sal similiter agit. Præterea effluvia satis actiosa, corrosiva, ex parte laborante evecta sanguinem & corporis nostri succos in motu ac mixturâ suâ turbant, & partim febrim ac sitim incendunt; partim virium magnam jacturam pariunt. Quamdiu itaque destructorius motus in affectis partibus viget & ulterius serpit, tamdiu res maximo in periculo constituta est. Prima hinc atque optima intentio medici esse debet, violentum hunc & naturæ infensissimum motum, mortem & putredinem inducentem, sistere, *germ.* den Brand stillen: Peropportunè autem illud peragitur deobstruentibus balsamico roborante sulphure & sale penetrante instructis. Sola enim hîc deobstruentia sanguini liberiores motum, partibus debitam transpirationem, materiæ ætheriæ liberrimum itum ac redi-



tum largiuntur atque concedunt: sic enim sanguinis & feri vinculum illibatum servatur, putredo arcetur & quod emortuum est sponte secluditur & pus, quod succus nutritius ob acescentiam in quam facile vergit albedine tinctus est, movetur.

### VIII.

Ex classe autem remediorum, quæ prædictis indicationibus ex arte satisfaciunt certè primas tenent & famosissima sunt sale volatili oleoso acidum destruyente imbuta vetegatabilia, uti ruta, salvia, angelica, levisticum, flores sambuci, baccæ juniperi & omnia salia volatilia urinosa vel oleosa reddita, ex quibus maxime eminet sal oleosum nativum penetrantissimum, camphora. Huc spectant etiam sale quodam alcalino fixo amaro imbuta uti scordium, carduus benedictus, aristolochia rotunda, aloë, centaurium minus, absynthium, item oleo balsamico imbuta: uti myrrha, thus, mastiche, balsamum peruvianum &c: Vel denique incisoria vi agentia uti sal ammoniacum, lapis medicamentosus Crollii, vitriolum tam martis quam veneris, aqua calcis vivæ, cineres clavellati, spiritus vini & vinum ipsum. Ex hisce jam dictis parata cataplasmata & fustus, (qui penetrant promptissime & longe exquisitioris operationis sunt quam emplastica) calidè, & crebrius applicata divinam afferunt opem, dum unita quasi vi partim incidendo & deobstruendo, partim tonum membri labascentis roborando simulque putredinem arcendo perniciole hoc malum feliciter depulsant. Instar omnium autem duo sequentia a Magnifico Domino Præsidente ex singulari affectu mihi communicata remedia, quæ præstantissimam opem innumeris vicibus vulerunt, laudari merentur. Nimirum accipe Radicis

an-



angelicæ, levistici ana unciam unam, herbæ scordii, rutæ, carduibenedicti, salviæ ana manipulum unum, myrrhæ, mastiches ana drachmas sex, salis ammoniaci unciam unam semis, viridis æris drachmam semis, aluminis usti drachmas tres: Hæc omnia concisa atque contusa coque in aquæ calcis vivæ, vini francici & spiritus vini camphorati partibus æqualibus. Alterum est solutio florum salis ammoniaci vitriolorum in spiritu vini non rectificato adjecta debita quantitate camphoræ. Notandum autem circa usum horum remediorum, quod si malum nimis profundè & altius lateat inque carnosus partibus consistat, prius institui debeant scarificationes, partim ut sanguis acescens & corruptus, qui in membro laborante compingitur, evacuetur; partim ut vis medicamenti ad ipsam labem propius pertingat. Et vanus ac inanis hic Practicorum nonnullorum metus est, qui aëris accessum putrefactionem facilitare censent; satis enim maturè affectæ parti debitis remediis impositis prospici debet. Minus autem commodè scarificationes hæc instituuntur in partibus tendinosus, manuum pedumque digitis, & ubi maximus æstus adhuc cum rubore perspicitur, felicius id fit in partibus carnosus jam corruptis vel corruptioni proximis, ubi profundæ scarificationes locum habent. Illud autem admirationem meretur, post scarificationem peractam in partibus mirum tumumentibus, detumescentiam sensibilem illico deprehendi cum flatuum emissionem, luculento indicio: non saltem infarctum humorum, sed & expansivam elasticam vim grandiores tumores gignere.

#### IX.

Quo autem in sanandis gangrænosus membris



securius procedamus, non debent negligi interna, quæ externorum virtutem mirifice secundant: talia autem sunt omnia alexipharmaca & diaphoretica quæ sanguinis mixturam in crasi & motu suo servant & transpirationem liberiores inducunt. Ex his autem virtutis expertissimæ sunt liquor cornu cervi succinatus, spiritus bezoardicus Buffii, tinctura bezoardica media & volatilis, diascordium liquidum, Essent. theriacalis, theriaca cœlestis & omnia salia volatilia oleosa. Euporiston autem præstantissimum quod plus centum vicibus incredibili effectu intentioni tum Magni Hoffmanni, Dn. Patroni ac Præceptoris mei ad cineres usq; colendi, tum etiam aliorum satisfecit, sequens est, Recip. vini rhenani optimi libram unam, succi cancrorum recentis uncias tres, theriacæ drachmas duas, lapidum cancrorum drachmas tres: blando calore hæc misceantur & pro duplici dosi bibat ægrotans, observando debitum & temperatum sudoris regimen. Præterea ex alexipharmacis & nostro scopo inservientibus duo maxime eminent, quæ sociata excellentissimam vim exerunt, sunt autem nitrum & camphora; Si verbi gratia ad drachmam unam nitri addatur scrupulus unus camphoræ. Nitrum sanguinem & serum fluxile reddit, quod patet si ejus solutio sanguini congruato affundatur, humorum acredinem contemperat, febrim extinguit & balsamicam vim humoribus fœnerat: Notatu enim dignum est, nitro artificiali seu regenerato in aqua soluto sanguinem e vena emissum diutissime floridum ac purpureum in thermometro servari posse. Camphora autem effluviis suis tenuissimis evaporationem salium morbosorum vehementium & particularum obstruentium promovet, sicque æstum egregie extinguit.



guit. Circa horum remediorum usum tenendum est, primo ut in longè largiori dōsi quam mos est offerantur & repetitis sæpe vicibus: cum malum non patiatur moram & præsens periculum emendationem sanguinis urgeat: deinde ut, si ex intrinseco principio malum succrescat plus illis fidamus quam externis; Et si scorbutica labe subest, ut sæpius fit (& consuli possunt *Evangelinus de scorbuto* & *Henricus Reinbuysen observat. chirurg. Part. 2. observ. 40. Horst. Lib. 9. Observ. 25. pag. 453.*) anti-scorbutica specifica immisceantur, si autem lues gallica fons & origo mali, confert, & remedia huic malo accommodata in usum trahere.

### X.

Hac methodo si quis aggreditur gangrænam vel sphacelum, is feliciter in ejus sanatione procedet & impedire poterit ne malum ulterius progrediatur & putredine jam tactam partem naturæ beneficio restituet. Natura enim loco carnis emortuæ facile reponit, benigno jam sanguine reddito, damnum, & novam carnem progenerat: modo observetur ut restituta jam parti gangrænosæ circulatione, illud quod emortuum aut corruptum est, maxime si grandis & carneæ est molis externa ope chirurgi prudenter separetur & amoveatur. Varii autem separationis modi hic concurrunt, qui passim in chirurgorum & medicorum libris prostant & celebrantur. Nonnulli causticis corrosivis id peragere volunt & scarificatione, profundiori inter partem sanam & mortuam factam inspergunt pulverem ex arsenico vel imponunt unguentum ægyptiacum cui hoc admixtum est. Alii butyrum antimonii cum sublimato corrosivo remixtum in usum trahunt, qui celebris modus fuit *Domini Polegrini*  
Me-



*Medici Galli de quô legi meretur Charas in Pharmacop. reg. pag. 293. Alii id oleo vitrioli vel-salis uti Faber in Chyrurg. Spagyric. pag. 172. præstare conantur. - Quidam actuale cauterium præferunt, quo inurunt quicquid infestum est. Recentiorum plurimi novaculâ utuntur & quicquid peccat vel corruptum est resecant. Certum hoc est quo citius totum illud quod peccat tolli potest eò melius esse, ne fiat recidiva: Hinc ex omnibus modis postremus valde arridet, & hic etiam usitatissimus & semper adhibendus si caro musculosa altius infecta est. Denique constat etiam attentâ praxi & frequenti experimento, caustica illa virulenta qualia sunt arsenicum & mercurius sublimatus externè applicatâ penetranti suâ acrimoniâ funesta ac sævissima symptomata in nervorum systemate excitasse. Equidem arsenicum in quantitate epotum necat perfectè hominem, sed non id præstat per solam erosionem membranarum ventriculi & vasorum sanguiferorum apertionem; verum maxime, quod vim suam volatilem causticam nervis ac cerebro etiam communicet, dirissimos spasmos & convulsiones ibi excitans: Accedit quod hujus generis venena maligna sua acredine solidis partibus sphacelum quendam inducant, abunde id testantibus maculis nigris post assumptum arsenicum in ventriculo repertis. Notatu dignus est nuperrimus casus ad amplissimam Facultatem Medicam Academiae hujus Fridericianæ missus, ubi ab arsenici scrupulis quatuor marito a malitiosâ uxore oblatis non solum ventriculi membranæ erosæ & in particulas carneas discissæ repertæ fuerunt cum magnâ extravasati feri sanguinei copiâ verum etiam ipsum virili membrum nigricans & sphacelo affectum deprehensum fuit, simile ferè exemplum literis prodit*



dit *Salmuthius Cent. 1. Observ. 10.* Cui subiungi quoque meretur a Viro Excellentissimo Dno. D. Stahlio, Patrono atque Promotore studiorum meorum gravissimo mihi communicata historia oppido rara. Sc. nobilis loco non procul diffito alchymiaē operam navans conduxerat mercenarium ad contundenda & præparanda viriora quædam altiori operationi ac processui subministrantia. Hic cum aliquando portionem arsenici deflagrasset, forte fumum per os naresve attraxerat, statimque una vel altera hora post lassitudinem & insoliti quid in corpore sentit, confert se propterea nobili sociisque insciis in lectum, cumque absentia ipsius vix attenderetur, tertio demum die inopinato planè emortuus, toto corpore lividus, ater, cadaverosus, virgâ mirum quantum erectâ sphaceloque una cum toto infectâ deprehenditur.

## XI.

Ut autem constet quantum & quando solis scarificationibus & fotibus hic fidendum sit, legi meretur *Riverius Centur. 1. Histor. 84. & 86.* ubi gangrænâ brachii manusque feliciter his ipsis sublatam esse testatur. Nos nihilominus præ omnibus hic adhuc semel commendamus modum recentiorum. Ante aliquot annos hîc loci vir sexagenarius melancholicæ constitutionis & vitæ sedentariæ indulgens alvi adstrictione laborans hyeme intensissima corripitur de nocte præter omnem expectationem crudelissimo dolore cum rubore ac tumore in ultimo articulo digiti minimi, hic tumor per brevi totum occupabat brachium cum calore intensissimo febre & virium præcipiti lapsu, mox totum nigrescebat, articulus autem ubi



dolor exordium sumserat omni sensu privatus erat, hinc forcipe ejus amputatio peracta fuit; Toti autem brachio calide duplicatis linteis spiritus vini camphoratus & urina humana, in qua sufficiens quantitas salis ammoniaci & vitrioli soluta erat, applicata fuit & quidem singulis diebus sex ad minimum vicibus. Internè exhibitum fuit crebrius nitrum præparatum cum camphora, item tinctura bezoardica cum spiritu cornu cervi & nitri remixta: Præterea potiones cordiales confortantes ex aquis destillatis & pulveribus cordialibus præparatæ offerebantur, quibus remediis effectum, ut intra quatuor septimanas æger sanitati plenarie fuerit restitutus. Hæc gangræna a causa interna nata & in parte tendinosa excitata periculosisima fuit, partim quod ab aëris frigore tubuli atque canales corporis plurimi obstructi erant, partim quatenus in totum sanguis crassus & austerus erat & particulæ acres corrosivæ in parte affectâ susceptæ a venis vasculisque lymphaticis, ficque ad sanguinem revector ejus totam massam turbabant. Mentio quoque injicienda est singularis cujusdam casus, qui itidem hic locorum contigit, dum militiæ Præfectus in inferiori spinalis medullæ parte globulo plumbeo percussus quoad truncum inferiorem pedes & inferiorem ventrem totus paralyticus omniq; sensu & motu privatus evaderet. Accidit hinc ut muscoli ani vasti glutæi quibus nullus sensus inerat, ad magnam superficiem corripenterentur putredine, colore nigricante & cadaveroso fætores: Hæc putredo latissime serpebat, hinc commendata fuit carnis omnis emortuæ excisio, & aliquot libræ hujus carnis sine ullo dolore usque ad ossis acetabulum excisæ fuerent



re, dumque caro florida appareret, probe defensa ab aëre fuit, fovea stuphis linimento balsamico imbutis, quod constabat ex terebint. myrrha, mastich. olibano, balsamo peruviano, oleo lumbricorum & spiritu vinicamphorato. Quodque maxime admiratione dignum, ingens hæc cavitas intra quinque septimanarum spatium tota iterum carne reclusa erat: (*ambos hosce casus Magnus Dominus Præses in collegio suo Practico - Casuali nuperri- mo fusius dictitavit ad calamum.*)

## XII.

Est igitur, si gangræna proserpens latè contagio suo funus partis, inde & corporis minatur, totumque membrum occupavit & enecavit, unicum & securissimum, quamvis miserum & crudele remedium amputatio seu exstirpatio partis. Ense enim *juxta Ovidium* rescindendum est corruptum membrum ne pars sincera trahatur. Quod enim emortuum est & ad vitam amplius revocari nequit optime a viva parte separatur. Satiùs namque est motum alicujus partis perire quam hominem totum, & consultius est *cum Celso* anceps in re gravi experiri auxilium quam nullum; & melior semper est dubia spes quam desperata salus: imo satis tuta illa videtur curatio cujus effectus est salutaris. Nolumus hic multa verba facere, utrum nimirum membrorum amputatio fieri salva conscientia possit: Evolve hæc remeretur *Zachias in questionibus Medico-legalibus lib. 8. Tom. 2. quest. 4.* Sufficit nobis, ipsam naturam providè suâque sponte secessum integrarum partium interveniente pure a corpore moliri, uti historiæ superius allatæ id comprobant. Imo innumera exempla, felicissimum hujus operationis successum sufficienter confirmant, legi possunt hanc in rem *Bartholinus Cent.*



3. *Hist.* 84. *Binningerus Cent.* 2. *Histor.* 19. *Petrus Marchette*  
*Observ. chirurg.* 15. *Henricus Roonhusen Lib.* 1. *observ. chi-*  
*rurg.* 25. *Rossius Consult. chirurg.* 13. *Et ipse de venerando Dno*  
*Patris meus olim in patria operationi huic in aliquot militi-*  
*bus Danis ab expugnatione urbis Wismariae tum temporis*  
*Rostochium reversis, quibus frigus pedes mortificaverat, feli-*  
*citer peracta moderator Et testis adfuit.* In negotio tamen  
hoc arduo & cum magno vitæ discrimine conjuncto  
magna circumspeditione opus est, unde semper admo-  
nendos esse chirurgos arbitratur *Excellentissimus Amman-*  
*nus in Parænesi p.* 113. ne fingant necessitatem; & firmissime  
sumus persuasi, quod multi ob inscitiam & neglectum  
chirurgorum, imo ob defectum valentium & genero-  
rum remediorum torturam hanc pati cogantur.  
Quare Medicos ad tales operationes vocatos non sine  
singulari circumstantiarum ponderatione de membro  
abscindendo vel conservando judicare debere, annota-  
vit *Hofferus Lib.* 4. c. 2. cum haud adeo excusabilem er-  
rorem hic committi a fraudulentis vel imperitis homi-  
nibus posse, adducta ab iis exempla comprobent.

### XIII.

Ut itaque circumspecte & cum ratione hoc in nego-  
tio versemur, ratione individuorum & circumstantia-  
rum breviter strictimque sequentia annotare placet.  
Primum nempe asserimus ad partis amputationem  
non semper necessario requiri ejus Sphacelationem  
præsentem, sed dantur casus ubi consulto abscinditur  
pars, quæ nondum sphacelo affecta est, quod sæpius  
accidit, si nimirum a causa nimis violenta fere omnes  
dilacerati fuerint canales, ut succis vitalibus omnis tran-  
situs denegetur: tunc inevitabili necessitate mortifica-  
tio partis subsequitur & antequam id fiat, ad amputa-  
tia-



tionem transeundum est. Si gangræna fisti non potest & celerius proserpit ita ut truncum corporis mox attingat, commode quoque instituitur hæc operatio. Tandem si diuturni & atrocissimi dolores nulla arte placandi cum ulceribus & erosionibus membrum quoddam occupant, nonnunquam optimo cum fructu ad hoc remedium refugere Practici. Sic *Horstius lib. 9. observat. 20.* meminit sequentis historię. Nimirum filia 22 annorum per triennium fistulosis ulceribus circa genu dextrum laborabat, hinc corpus consumtum, continuo dolebat pars affecta & quoniam totum tibiæ os una cum patella cariosum judicatum fuit, de pedis supra genu amputatione deliberatum, exstirpatum quoque est felici cum successu. Memorant quoque *Miscellanea curiosa Dec. II. anno 8 observ. III.* propter solam dolorum vehementiam in usum vocatam fuisse, inflammatione nulla præsentē, nec gangræna, nec sphacelo, quale exemplum memorię etiam prodidit *Binningerus Cent. 2. observ. 19.*

#### XIV.

Quod ipsam chirurgicam encheirisin spectat, antequam de illa nostra tradamus monita, opus est ut, quænam in antecessum, antequam illa instituatur, consideranda veniant, subnectamus. Sc. ante omnia semper primum deliberandum est, an sine vitæ periculo exstirpatio partis fieri queat? quod si enim tales partes sphacelus adoritur, quæ non commode deligari possunt & amplioribus arteriis & venis instructæ sunt, quæ dissectæ magnam sanguinis viriumque faciunt profusionem, satius intermittitur, deinde respiciendum & eo est, an vires ægri consentiant? Vires enim, quæ sunt vitæ conservatrices in subsidium venire necessario debent, siquidem metus, terror, dolor hæmorrhagia



ingentem harum adhuc efficiunt iacturam: Ubi itaque vires vel ratione, vehementiæ morbi succumbunt & pulsus arteriarum debilis est, & defectio animi præsens, ibi cautissime cum auxilio hoc crudeli mercandum est; Si autem omnia ritè sese habent & indicationes hoc remedii genus luculentissime urgent, quæstio oritur: quænam remedia ad facilitandam hanc operationem intrinsece propinari debeant? Vulgus chirurgorum & medicorum ad præcavendos dolores Opiata commendat *geben einen Schlaf-Trank ein* / quod tamen hoc in passu valdè inconsultum videtur; ordinaria siquidem opiatorum, imo etiam duplicata dosis atrociam dolorum vix avertit, ceu hoc in rustico quodam cui pes sphacelo corruptus præscindebatur, oculis vidi, quidentium stridore & ejulatu præsentis ferè omnes terrebat. Excessiva autem dosis si præbeatur, res est periculi plena, & verendum, ne sopitos ligatosque spiritus somnus sequatur sempiternus. Deinde opiata dum vaporoso suo sulphure spirituum activitatem & elaterem obtundunt, vires destruunt &, quo minus venenum gangrænosum foras propelli queat, efficiunt. Nihil namque magis auget & promovet malignitatem succorum vitalium, quam opium incaute exhibitum. Quapropter *Fallopius* usum narcoticorum in hac operatione penitus damnat. Idem tenendum quoque esse censeo circa usum opii post peractam operationem. *Horstius lib. citat.* recenset exemplum, ubi opiatum laudanum dederunt, nox quidem subsequuta fuit quies, post vero leves accedebant lipothimiæ cum indicis convulsionum. Desideratissima potius sunt vulgo dicta confortantia & quæ sanguini cordique tutelam præbent; talia autem sunt spirituosæ analeptica quæ



quæ blandis sulphureis partibus instructa vigorem sanguini & spiritibus addunt, v. gr. aqua cinnamomi cum vino Hispanico confecta, quæ omnium præstantissima, aqua florum aurantiorum, liliorum convallium, alborum, rosarum, essentia ambraë, syrupus balsami peruviani, spiritus volatilis oleosus cum oleo corticum citri recenti & cardamomi essentificatus. Hæc vel per se vel cum vino rhenano optimo combinata & bono haustu exhita egregiè roborant. Confert quoque tali in casu ex culina commendare jacula bonæ notæ resectoria ex vino, juscule carnis, vitello ovi, succo citri, saccharo & cinnamomo parata; omnium optimum præsidium est, analeptica hæc cum alexipharmacis supra dictis commiscere & conveniente dosi propinare. Reliqua remedia ut evacuantia, sanguinis missiones, purgationes merito improbamus & rejicimus, utpote quæ spiritus depauperant & malignitatem in centro magis detinent.

## XV.

Quoad actum operationis variæ inter authores moventur controversiæ, quæ in loco nimirum celebrari debeat? Multi in articulo amputationem instituere svadent, moti his rationibus, quoniam ibi hæmorrhagia non metuenda, nec ossium fit nudatio. Verum, enim vero in praxi contrarium magis obtinet nec rationes desunt prægnantes: In articulis enim non tam prompte junctura ossium invenitur & cicatrix quoque difficillime inducitur, deinde malum non semper est in articulo sed sæpius in medio membri. Alia autem res est, si digiti articulus rescindendus, quod optimè fit in juncturis & quidem mit einer Kneipzange. Porro altera quæstio est, utrum in parte sana an emortua opera-



rari liceat? Utraque pars non destituta est rationum momentis: qui in emortua parte id fieri debere contendunt adferunt hæc, quia minor ibi dolor & minor quoque hæmorrhagia. *Galenus lib. 2. de curandi ratione ad Glauconem cap. 9.* scribit, membrum emortuum statim rescindere oportet, quo sanam partem vicinam attingit, *Item Vigo lib. 4. Chirurg. Cap. 7.* scribit incidendum est membrum sanum ita ut aliquid corrupti remaneat. In quam rem etiam consentiunt *Fallopianus de tumoribus C. 26.* *Item Aquapendens Lib. I. cap. 19.* at vero consilium hoc periculosum videtur, quoniam malum illud quod relinquitur ex facili se multiplicat, sensim obrepit & inficit. Contrarium statuit *Celsus Lib. 7. cap. 33.* hisce verbis: inter sanam vitiatamque partem incidenda scalpello caro usque ad os est, sicut neque contra ipsum articulum id fiat & potius ex sanâ parte aliquid excindatur quam de ægrâ aliquid relinquatur. Eandem sententiam fovent expertissimi chirurgorum *Paræus Lib. II. cap. 18.* & *Hildanus cap. 17. de gangrena.* Regula exceptionem patitur in tibiâ, in qua si sphacelus sit supra malleolos prope genu præcisio est facienda, quod enim relinquitur, nullum usum præstat, sed magnum incommodum ægro affert cum lingneo crure ipsi utendum sit pars otiosa in posteriora vergat. In brachio tantum conservetur quantum commodè alligandæ & aptandæ manui ferreæ sufficit. In digitis manuum & pedum in articulo id ipsum fieri debet, nervi & tendines incisi sursum attrahuntur & carne obteguntur.

## XVI.

Ipsam Sectionem quod attinet, ante omnia implorandum est Divinum auxilium, & chirurgus eligendus qui prudens, pius expertus & omnia, quæ ad hoc opus



opus requiruntur instrumenta & alia necessaria in promptu habeat; prout hæc fufius recenset *Cornelius Solingen in Chirurgia pag. 378. & sequent.* Ut feliciter respondeat institutum, postea detineatur patiens vel imponatur in scamnum conveniens, deinde chirurgus trahat cutem, musculos & carnem fortiter versus sanas partes, ut scilicet operatione peractâ offi denudato iterum obduci queant, deinde vinculo valido satis forti non tamen adeo lato constringenda est cutis, partim ut atrox dolor præcaveatur in extirpatione, partim etiam ut enormis hæmorrhagia, quæ presso pede discissionem ampliorum vasorum sub sequitur, impediatur: Et quamvis primum vincula non sine gravi dolore incendantur, postmodum tamen omnes cruciatus, qui ex sectione oriuntur leniunt & obtundunt, ita ut vix ullus doloris sensus percipiatur *vid. Dec. 2. Ann. 8. observ. 211.* Vinculum hoc bis circumdetur & optimè firmetur, ne hujus fiat relaxatio. Alii malunt ut duo robustiores viri præcipue in partibus carnosioribus fortiter manibus teneant & constringant. Locus ubi applicari debet ligatura est supra partem abscindendam aliquot & quidem duos digitos transversos, ne sectâ carne ligatura decidat. Prius autem quam sectio peragitur, filum atramento tinctum applicandum est loco incidendo, qui ad minimum quatuor digitos transversos sit supra carnem emortuam & corruptam, postea cultro falcato satis acuto cutis & caro musculosa usque ad os unicâ sectione separanda est, quo facto muscoli ab osse statim separandi sunt foras & intrinsecus & quidem satis amplo spatio, quo locus detur ferræ, quæ satis acuta, ossibus bene a perioftio purgatis, applicanda &



primo fibula, deinde tibi a præscindenda est cito satis & tuto agilique dexteritate octo vel novem fractibus, leni tamen tractatione ne nimio motu & concussione sæva mala obveniant ægro. Notandum autem hic est pedem bene esse extendendum, ita tamen ut paulatim inflexus teneatur ad intra quo ambo ossa æqualiter fer-ra præscindi queant.

## XVII.

Peracta sectione, sanguinis profluvium sistendum, quod variis modis chirurgi præstare solent; Nonnulli cauterio actuali seu ferro ignito carnem adurunt, qua adustione fibræ vasorum crispantur & constringuntur, sicque remoram sanguini injiciunt. Alii uti *Parvus* suadet in *Chirurg. Lib. 1. cap. 20. & 22.* tenacula vel volsellâ vasa apprehendunt & acu transfigunt atque obducto filo deligant. Plurimi styptico sanguinis nimium fluxum compescunt. Primum modum improbat *Dominus Horn* in *Microtechnæ* quoniam cauterisatione actuali crusta quædam gignitur, quæ frænum injicit sanguinis effluxui, hæc autem quando decidit, de novo cruor largissime profluit. Nos dicimus remedium hoc esse facillimum & satis securum & ubi periculum in morâ est adhibendum, maxime talibus in casibus ubi remedia styptica non sunt ad manus. Juvat etiam cauterium adhibere tum temporis, ubi aliquid corrupti remanserit, sicuti quandoque ejusmodi casus occurrunt. Ferrum autem insigniter & ad ruborem usque candefactum esse debet, sic enim citissime sequitur effectus, applicandum ipsis orificiis vasorum & cavendum quoque ne ægrotans videns ferrum hoc terrore insigni percutiatur. Quod alterum modum spectat, nimirum de-



deligationem arteriarum variis premitur difficultatibus, quoniam arteriæ post sectionem breviores fiunt & intra carnem sese occultant, hinc forcipe non bene teneri & extrahi possunt ad deligationem; deinde ligaturæ harum etiam tempus & moram requirunt, quam impecillitas & defectio ægri non permittunt; porro ipsum vinculum quoque arteriæ tunicas quandoque disseat; si nimis fortiter stringatur hoc autem si non fit sanguinis fluxus non impeditur. Melior & optimus modus & sistere sanguinem stypticis seu solidis, seu liquidis. Varia autem hunc in finem laudantur remedia nonnulli vitriolum cyprium, item solutionem vitrioli albi, nec non liquorum stypticum danicum ex alumine, vitriolo; oleo vitrioli & aceto præparandum, maxime æstimant. *Hildanus Cent. V. observ. 17.* Pulverem stypticum suum magnificat; Nos instar omnium caput mortuum vitrioli probe exustum cum *Heernio in comment. ad aphoris. Hippocratis 3. S. 1.* commendamus; Hoc enim præstantissimæ virtutis est ad omnem effrenem sanguinis fluxionem cohibendam. Historia quam refert laudatus Heurnius de hoc pulvere observatione digna est. *Nimirum Illustrissimus Aurantia Princeps Wilhelmus Nassovius Antwerpia a latrone latus sclopeto in collo ita ut vena jugularis magna maximam copiam sanguinis funderet per plurimos dies, cum quotidie aliquot libras ejus emitteret; Non autem potuit sisti illa fluxio, tandem quidam digestivo illito ac involuto colcothare id perfecit.* Si compositum quis desideret potest esse tale Recipe Boli armen. unc. quatuor, sangvin. dracon. aluminis, terræ sigillatæ ana unciam unam semis, nuc. cupressæ, gallar. ana unc. unam, capit. mortui vitrioli unc. duas M. F.



pulvis. Ex liquidis, quæ, quoniam soluta sunt, facilius penetrant & sanguini coagulum inducunt, omnibus palmam dubiam reddit liquor martis seu vulgo dictum oleum martis, quod ex capite mortuo florum salis ammoniaci martialium aëri libero exposito per deliquescentiam emergit & longe præsentius est quovis etiam famoso styptico. Sanguini si infunditur, illum in instanti in firmum & stabile coagulum imo ex fluido in solidum mutat, quoniam crassioris molis & angulosæ figuræ particulæ vitriolicæ globulorum sanguineorum ab æthere rotationem, in quâ fluiditas ejus consistit, impediunt & globulos istos coaduniunt. Alii curiosiores spiritum vini rectificatissimum ad sanguinis fluxum refrœnandum collaudant, quod experimentum, quamvis propter debilitatem suâ huc non trahendum existimem, non tamen prorsus de nihilo est & in levioribus læsionibus locum invenit. Ratio autem operandi est in procinctu; nimirum spiritus talis omni phlegmate orbatus quam promptissime imbibit serum seu partem aquosam sanguinis, unde particulæ sanguineæ crassiores ex poris feri præcipitatae in molem concre-scunt & stabile quoddam corpus constituunt, quod effluxioni sanguinis remoram immittit, deinde etiam vasorum ac tubulorum carneorum fibræ particulis æthereis salinis spiritus vini exsiccantur, constringuntur ac si breviores ac angustiores evadunt ut intra limites suos manere queat fluor sanguineus. Modus autem applicandi styptica hic est, nimirum turundæ insignes ex lino discerpto conficiuntur, quæ madefiunt albumine ovi conquassato, quibus deinde pulvis stypticus inspergitur vel ipsæ turundæ liquori styptico immer-



merguntur & postea applicantur ipsis vasis, quæ prout amplitudine ac capacitate differunt diversas figura & magnitudine turundas quoque exigunt.

### XIIX.

Sedato sanguinis fluxu opus est, ut vincula stupefactiva removeantur, cutis remittenda, quæ os contegit & bonam partem læsionis imo nonnunquam totam, & dum pelle illa vala conteguntur, partim & fluens sistitur sanguis, partim & consolidatio promovetur. Venetorum lictores teste Bartholomæo Maggio de vulnerum sclopt: curat. pag. 268. qui facinoroso alicui homini manum abscindere debent, pellem ad superiora trahunt & post manus amputationem illico contractam pellem laxant & diligenter circa juncturam consuunt, vulnerique ventrem gallinæ moriendis adhibent, nec ullum deinde fit sanguinis profluvium, & hoc a Galeni sententia non abhorret, qui lib. 5. Method. scribit sanguinis fluxum fisti ex propriae cutis superpositione, quapropter tuto hoc modo membra secabis, qui si tibi satisfecerit illum te docuisse non me penitebit. Accepimus in Belgio modum hunc admodum esse familiarem & multiplici experimento utilissimum deprehensum fuisse, nimirum tibia secta musculus Gastrocnemius vel ejus portio salva adhuc & viva non abscinditur, sed separatur a reliqua parte, quâ deinde obvolvitur membrum fauciaturum & sic brevi tempore felicissimo cum successu sanatio absolvitur. Imposito postea pulvinari linteo albumine madefacto ad replendam cavitatem, vesica bubula satis fortis & aquæ calidæ prius immersa toti trunco obducitur, donec hæmorrhagiæ metus transiverit: tertio vel quarto die demum removetur ligatura & iterum pulvis stypticus cum albumine ovi mixtus imponendus est & opera danda ut indurata ac inglutinata prius emolliantur, eschara ut decidat, ad quod egregiè facit digestivum ex melle, terebint. pulvere aristol. irid. florent. thure & spir. vin. paratum. Escharâ delapsa vel filo vulneris os latis futuris constringendum vel



vel per emplastra cutis attrahenda. Luxurians & spongiosa caro, quæ sæpius excrescit coercenda est insperfo pulvere radicis iræos & aluminis usti; tandem cicatrix emplastro diapalmæ, item de cerussâ nec non unguento deficcante rubro inducenda est.

### XIX.

Postremo ad feliciorẽ processum quædam necessariae cautelæ adjiciendæ sunt, Primo nimirum hæc operatio ita à chirurgo instituenda est, ut exponendo instrumenta sua non timorem incutiat ægroto, qui pessimus nonnullorum mos est: dum ex abrupto quasi ægro- tantibus indicunt exstirpationem & statim omnia ad hoc opus parata instrumenta monstrant; Novi ex relatione suavissimi Dni. Parentis mei plures panico quasi terrore sic correptos & exanimatos fuisse, ut postmodum parum feliciter res successerit. Subitus enim & inopinatus terror, mirum quantum turbat spirituum & corporis œconomiam; *Secundo* non aggredienda res est stomacho vacuo, protinus enim molestâ syncope prehendi solent, nec eo repleto, ne cibus propter agitationem corrumpatur. *Tertio* in caco- chimicis, senib9 raro feliciter cedere solet & consultius semper instituitur horis matutinis, quam pomeridianis, tempore verno & autumnali, quam hyberno & æstivo. *Quarto* denudatæ partes & ossa non diu aëri exponenda sunt, ne hic conglutinationem impediat & corruptionem ac nigredinem ossi inducat. *Quinto* post operationem peractam insistendum est remediis intrinsecis refocillantib9 & alexipharmacis, temperatis tamen & in genere vitanda omnia excessivâ qualitate prædita, spirituosâ calida, vaporosâ, opiata. Mixtura, quæ constat ex vino, oculis cancri, aqua cinnam. scorzon. essent. nucistæ, & paucis granis theriac. cœlestis omnium optima; hæc enim confortat, blandam diaphoresin & transpirationem inducit, simul & spirituum tumultum componit. *Sexto* ad crustæ vel medicamenti vel ignito ferro inductæ a carne resolutionem (solet enim inde pro-




profluvium sanguinis sequi ) non properare debemus. Cum autem putredo cessaverit, nec amplius sanguinis profluvium reformidandum, ea quæ crustam detrahunt, applicanda sunt, post crustæ autem casum, si adhuc inflammatio adest, unguentum diapompholygos, quo nullum aliud præstantius, adhibendum est, nullaque acria & quæ nimis calida tum ad movenda. *Plura qui legere circa hanc operationem cupit, conferat Johannem Vigonem Lib. 4. Chirurg. cap. 7. Aquapendentem Lib. 1. Chirurg. cap. 19. & titulo de Sphaceli chirurgiâ & Celsum Lib. 7. cap. 33. Hildanum lib. de gangræna & Sphacelo. Solingen Parte 4. cap. 2.*

## XX.

Coronidis loco de symptomatibus, quæ post operationem subveniunt deque illorum causis pauca adhuc addam. Sunt autem potissimum syncope hæmorrhagia, febris inflammatoria, cum phrenitide, delirio & de novo gangræna & sphacelus. Syncope debetur potissimum timori & terro-  
ri, nec non nimio sanguinis effluxui. Si autem gangræna a causâ intrinseca est non mirum ipsam malignitatem Spiritus in crasi & motu turbare unde præceptis virium lapsus, animi defectio; sudor frigidus & fætidus nascitur. Deinde hæmorrhagiæ facilius de novo fiunt, hinc videndum ne æger multum se commoveat, sternutet, vociferetur, tussiat, aut corpus culcitris multum oneret & quæcunque corpus & sanguinem commovent hinc vitanda sunt. Hinc quando æger dormit semper vigilans ipsi adsit minister. Quod si autem hæmorrhagia denuo supervenerit, non amovendus est illico prior apparatus, sed tentandum an aliis remediis retineri possit: nimirum aquâ frigida inspersâ, item stupis cum pulveribus stypticis, V.S. in oppositâ parte. Illud autem maximè quoq; observatione ac notatu dignum est, non solum post graviores contusiones membrorum, verum & illorum amputationem frequentem esse hæmorrhagiam narium, ratio mihi videtur esse talis, quoniam sanguinis circulatio ex arteriis in venas non ritè & æqualiter procedit; dum  
nimi-



nimirum magna arteria amputata & ejus pars ligata vel ob-  
 structa est, sanguis necessario, qui transfret ad illam par-  
 tem emortuam & detruncatam & reverteretur per venam,  
 ad alias partes per arterias magno cum impetu ruit & qua-  
 data porta effluit. Hinc optime annotavit *Hildanus lib. de*  
*Dysent. c. 1.* quod sangvine dysenteria in iis, quibus mem-  
 brum aliquod abscissum est, proveniat: tunc enim *inquit*  
 sanguis, qui pro nutritione partis abscissæ constitutus fuerat,  
 ad fontem suum recurrens beneficio naturæ ad intestina de-  
 pellitur. Febris inflammatoria in omnibus graviter vul-  
 neratis familiaris esse solet, propter stasim & corruptionem  
 sanguinis & feri, nec non inæqualem sanguinis & feri cir-  
 culum. Convulsiones ut plurimum nunciæ mortis sunt, dum  
 fluidum nerveum penitus destructum & irregularis  
 motus indicant. TANTUM.



**S**ic tuus exactus, FILI, feliciter artis  
 Pæoniæ cursus; Condīs honoris opus.  
 Hoc, ceu credo, brevi roseo te murice cinget,  
 Ex animo lætor; lætaque quæque præcor.

*Ex paterno affectu hac scribebat*

**BERNHARDUS BARNSTORFF**  
 Med. D. & in Alma ad Varnum Profess.  
 Publ. Facultat. Medic. Senior & p. t. Deca-  
 nus nec non Physicus ibid. *hodieq.* Acade-  
 miæ RECTOR MAGNIFICUS.

